

Укйъугак 1944 гиўгими хўаңкута ыскуныгмың тақңамта қатнугъяхтугнакумакут Қышымун Гухынкагункут-хун. Нувуқами каяныпик ыкукут. Аңқиғналгит тамакут Ықалункут ыкақапут ақуна упыюгалуки. Қымлиңанкут. Нақам имағнигругақуқ,кеңитыпихлўуни. Месысу ањьяхпут ақуна санихлўуку ањьяхлўук утуқақ усеныхтупихлўыге.

Таўатын усилилхғағылхта қатнугнакукут. Гўарат ивыругық қатнұхныгмың ахтупихтақуқ. Нақам Гулькугыи ивырухтыкақахпут. Таўхкын қынгўат қатнугахтак. Қаңискумун қанлемта Макағның таўхкын гўэтхынлакут Туңилегнун. Нақам амалхы уноми Қаңискуқ сали ануқлхймауқ,Тайхпиңкын кылоның қевғағыт ысимат. Итық нақам ылмағақ. Нақам тами ањьями углапик ыкумаўқ, 34 юк.

Мавық Қышылхыге, больницамун ақуна. Максимовынкук такук ыскухтық нулекулхутық мани ағлуахқалхтық тыкитакук тукухтупихлўутық.

Таўатын ығлыхсималхта Гухынкауна ағиўқ:

– Ымғым ухтыпихтетыкут ивырутыгынкун!

Нақам тана апығақыкит ивыругвит кулхулуки.

– Кулхухкун ухтыпихтетыкут ымғым!

Сивонун таевық писи! Сивуягми ытакукут гуи-ам, Ненетегын, Ататегын. Пегынңа: «Сивуйим қайңанун ухтын! Сивуйим қайңанун ухтынама утыгмун ысхапако. Тае Гухынкауна такук Ульқенашынкук Апқалуналью нукалхпегумалукук: «Ўавық тетық!» Агук тае. Қылығи умыюгарахтуқ, кинхяқыкумта капенахлхықлўуық савихлўугмың.

Эрмен ақум сайңани таени тугулуку ымыхтатыхлўук, лхыган қалупихтакук аңатугипихлўуни.

Ыныкитық, қуканун ысхағьялгеңа Қымлиңанкук Ықалуклху аңқиғналгик, сивони инахталгик, лхыган кинхякупихтакук